

RECIT

no. 2

# VERITABLE

DE CE QVI S'EST  
passé au Palais, a la seance du  
Roy, Samedi quatriesme iour  
de Iuillet.

*Ensemble la volonté de sa Majesté  
declarée à son Parlement.*



A PARIS,

Chez Sylvestre Moreau, deuant le Palais.

M. DC. XX.


RECIT

VERITABLE

DE CE QUI EST

Le véritable portrait de  
la véritable philosophie  
de la vie.

Extrait de la collection de la  
bibliothèque de la Faculté



A PARIS

chez la Citoyenne Lesclapart

N. D. 1791



**R E C I T   V E R I T A B L E**  
*de ce qui s'est passé au Palais à la  
 seance du Roy samedi 4. Iuillet.*



Ombien que l'au-  
 thorité royalle iette  
 vn ombre si loing  
 que le seul respect  
 quel'on doit auoir

au pouuoir d'un grand Roy, suf-  
 fise pour maintenir vn grand  
 peuple dans l'estraincte du deuoir  
 & de l'obeissance, il est ainsi tou-  
 tesfois, qu'outre qu'il le faut re-  
 specter & craindre de l'offencer  
 a cause dela puissance redoutable  
 aussi le faut-il aimer & pource  
 qu'il est limage de Dieu, le table-  
 au racourcy des merueilles diui-



nes, l'oinct du Seigneur, & le Dieu-donné aux hommes pour commander absolument icy bas, & faire que la loy de Dieu s'entretienne dans la circonference des loix ciuiles & politiques instituées par les Princes, lesquelles le Prophete Roy appelle rameaux de l'ordonnance diuine. Mais entre toutes les causes de l'amour d'un peuple enuers le Roy son Prince & Seigneur: est notammēt la vertu de debonnaireté & iustice que l'on recognoist estre en luy: car si par l'une, les Roys affermissent leurs Trônes & couronnes a cloux de Diamands: par l'autre ils scauent bien regner, & tirent les peuples à l'amour admirant les effets d'une Royale grandeur en l'ame Royale d'un tout iuste & bon Roy.

Or de toutes ces parties, & beaucoup d'autres dons du Ciel, est douée la personne sacrée de sa Majesté tres-Chrestienne, le soin qu'elle a eu dès son bas aage à maintenir tous les peuples en repos, & reünir les volontez desvies de ce grand corps d'Estat, sera preuue suffisante de sa naturelle bonté & de l'amour d'un vray Roy pour les siens, qui seruira de patron pour tout autre Prince qui voudra commencer vn regne tresparfait & de durée: & du depuis à mesure que Dieu à multiplié sur luy ses graces & benedictions, avec les années on a veu reluire en sa Majesté de si grands & admirables effects de sa iustice, qu'il n'y a si petit ver de terre entre vn si grand nombre de subiects, qui le puisse plaindre

n'auoir iouy sous son regne , du bien, de l'aïse, & du repos que l'on peut esperer de l'amour d'vnvray Roy protecteur desdroits qui appartiennent aux siens , qu'elles choses n'a point dissimulées sa Majesté, quelles offences & quels torts n'a elle point oubliés, pardonnez & passé sous silence, pour maintenir le repos de la France, que n'a elle point employé & de son autorité, & de ses soins & de ses vueilles pour aduiser des moyens plus propres à conseruer la paix de son Royaume, que de mesaises pour nos aïses , que de vueilles pour nostre repos, que de soucis pour nostre bien , que de preuoyances pour destourner le mal de dessus nos testes, que d'aduïs & de resolutions en ses Conseils pour nostre bien & soulage-



72  
ment, & qui n'aymeroit vn tel  
Roy qui a tant trauaillé en ses  
jeunes ans, pour se concilier l'a-  
mour de ses subjets, & augmen-  
ter le repos de les peuples!

C'est pourquoy sa Maiefté ne  
peut qu'elle ne ressent en elle vn  
grand desplaisir sur le bruit des  
troubles qui semblent menacer  
son Royaume, & alterer la paix  
& le repos de ses bons suiets.

Et pour ceste cause apres auoir  
recherche en les Conseils tous  
moyens necessaires pour obuier  
à tant de mal-heurs que la guerre  
entraîne quant & soy, & s'en de-  
sirant seruir pour establir vne  
bonne intelligence par toutes  
les Prouinces du Royaume, &  
maintenir le bien de la paix, ga-  
rantir les subiets de desobeissance  
elle a deliberé avec les Princes &

Seigneurs de son Conseil, d'aller  
 tenir son liët de iustice en son Par-  
 lement de Paris pour donner ad-  
 uis à ses feaux & âmez Conseillers  
 les gens tenant ladicte Cour de  
 Parlement, ce que ladicte Maje-  
 sté desiroit estre fait, ce qui fut  
 fait lamedy dernier 4. de iuillet  
 en presence de Monsieur Frere du  
 Roy, Monsieur le Prince de  
 Condé, Messieurs les Ducs de  
 Guise, de Mōtbason & de Luynes,  
 Messieurs de la Vieuille & Cour-  
 tenuaut & autres Seigneurs Mes-  
 sieurs le Chancelier, cardinal de  
 Retz, President Jeannin & au-  
 tres conseillers d'Estat.

Le Roy par mondit Seigneur  
 le Chancelier declara au Parle-  
 ment qu'elle estoit la volonté de  
 sa Maiesté, & apres auoir dit  
 quelques parolles touchant la re-  
 traite



traicte d'aucuns Princes hors de Cour, dit que sa Majesté pour beaucoup de bonnes & necessaires Considerations, auoit resoud de visiter quelques places de son Royaume, & qu'elle s'achemineroit en sa ville de Rouen pour quelques affaires importantes, pendant lequel voyage, qui sera bref, recommande à sondit Parlement la Iustice enuers son peuple, & l'entretien de l'obeissance & fidelité deuë naturellement à sadiete Majesté par ses bons sujets, & notamment de sa bonne ville de Paris, laquelle il laissoit en garde sous les fidelitez de ce sage Parlement.

A ces choses que pouuoit respondre vne si notable cōpagnie de sages Conseillers, sinon ce que la Republique d'Athenes respon-

dit jadis au grand Themistocles  
se partant de leur ville, allez le  
mignon du Ciel, Dieu tutelaire  
de tout nostre salut, puissent estre  
vos belles intentions guidées de  
l'aspect fauorable des Astres plus  
fortunez qui se sont trouuez au  
iour de vostre n'aissance : ainsi  
disse ces grands hommes d'Estat  
Roys d'armes de iustice, sçeuient  
dignement remercier sa Majesté  
par la bouche de Monsieur le pre  
mier President, & de Monsieur  
Seruin, de la gloire que le Parle  
ment receuoit d'auoir veu en ce  
iour là le Roy seant en son lit de  
iustice, pour leur faire part de sa  
resolution, assurât sadite Majesté  
que quoy que tous les autres mē  
bres de l'Estat viendroient a de  
faillir en ce qui est du deuoir, ja  
mais ce grand Senat ne pourra

estre esbrälé en aucune maniere pour ce qui touche le seruice du Roy, la manutention de la Iustice, protection des droicts de ceste Couronne, bien & repos du Royaume: dequoy sa Majesté est demeurée si satisfaiçte & cōtente, se reposant sur la fidelité de son Parlement, & sur l'intégrité & vigilance qu'elle reconnoist en la personne da Monsieur le Lieutenant Ciuil Preuost des Marchands, qu'elle est assurée que quoy qu'il fut necessaire de faire quelque voyage, il n'y aura naufrage ny elcueil assez fort pour pouuoir des-vnir, creuasser & briser ceste nef Parisienne, sous la conduicte de si grands, si sages & experimentez Pilotes: ô digne Parlemēt, Cour venerable, tutrice de nostre re-



pos, sacrez Pontifes de Iustice,  
 esprits vitaux de la Royauté, or-  
 nement de sa Couronne, fermes  
 estadçons de son sceptre, & qui  
 en vostre autorité releuez sa  
 grandeur, comme en vostre grâ-  
 deur vous autorisez sa puissan-  
 ce, & en vostre puissance la hau-  
 tesse de sa Majesté, qui à iamais ne  
 vous couronnera de gloire & de  
 loüanges! ô Anges de la terre,  
 puis que la terre ne peut estre  
 sans Iustice, ny la Iustice subsister  
 au plus beau de son lustre & au  
 plus fort de son autorité, sans  
 tels, si bons & si salutaires Anges:  
 C'est vous qui par vos prudens  
 aduis & iudicieux Arrests, sçau-  
 ez arracher les rayes qui se veulent  
 former en nos yeux, accorder les  
 dissonances qui veulent trou-  
 bler nostre publique harmonie:

chasser les nuées qui voudroient  
cacher le Soleil de nostre fe-  
licité, & nous laisser à l'ombre,  
comme fleurs languissantes : ô  
Anges de la terre, puis que la ter-  
re est cōme vn Ciel pour l'exer-  
cice de vos vertus, où Dieu mes-  
me prend plaisir singulier à gui-  
der vostre chenuë prudence par-  
my l'hydeuse nuict de nos trou-  
bles ciuils. Aussi appartient-il à  
ces grands hommes de bien d'a-  
uoir part aux Conseils d'un grand  
Roy, comme celuy que Dieu  
nous a donné, puis qu'avec ces  
venerables Nestors Nosseigneurs  
du Conseil, ce sont eux qui trai-  
ctent les affaires, non à pas com-  
ptez, mais au premier coup de  
vent estes tousiours parus le gou-  
uernail à la main & en Pilotes  
genereux, vous avez tourné

teste vers les tempestes ciuiles,  
 opposé le courage à l'orage, &  
 en toutes occasions importantes  
 pour l'honneur & la gloire du  
 Roy & de ceste Couronne: l'hô-  
 neur que vous auez de le bien  
 seruir est glorieux & honorable,  
 & digne d'ames genereuses &  
 Françoises, digne de ceste haute  
 dignité, de ces trosnes glorieux  
 & de ces liëts Royaux où vous  
 estes assis, Et où la guide de nos  
 courages pour bien seruir le  
 Roy & deffendre ses droicts,  
 qu'en vostre prudence ? où la  
 force de nos ames qu'é vostre au-  
 torité? Et qui fust allé au deuât de  
 tant de luctueuses miseres, qui  
 ont passé en nos iours, & qui de-  
 uoient faire porter de noir & le  
 Cyprés à la France, sinon vostre  
 graue sagesse & vostre sage gra-



uité ? Aussi estes vous esleuez en  
ces sieges par dessus les peuples &  
comme posez en sentinelle pour  
decourir & arrester le mal qui a  
sous l'ôbre de pretexte voudroit  
troubler le calme & la serenité  
de nostre repos : vous estes les  
premiers anneaux de ceste grâde  
chaîne dela tranquillité publique  
& comme ces bons Genies que  
les anciens feignoiēt protecteurs  
des villes , & bien facteurs du  
genre humain : courage donc  
ô vous grands Pilotes vous, les  
Palinures de cest Estat, courage  
& si les nuées s'assemblent, si les  
vents bruient, si la tempeste me-  
nace toutes ces nuées, tous ces  
vents & toutes ces tempestes s'en  
iront en fumée, si le Soleil dela  
France par vous , & si vous par le  
Soleil voulez faire sentir que tout

n'est que vapeur & fumée au Soleil de sa Maiesté, Royale & aux rayons de sa Iustice.

Ainsi sa Maiesté se confie & se repose sur vous, elle vous laisse sa ville capitale sous la tutelle de vos prudences pendant son voyage de Rouen, voyage qui n'est que pour quelques iours durant lesquels se pacifieront possible les differents qui nous menacent de trouble.

F I N.